


中國方志叢書·華北地方·第九八號

據
清劉德昌修葉澐纂
民國二十一年石印本
影印

河南省

商邱縣志



成文出版社印行



10107642

中華民國五十七年八月臺一版

商邱縣志

全二冊

定價：新台幣八〇〇元正

發行人：黃成助


臺北郵政信箱二二六〇五號

出版者：成文出版社

臺北郵政信箱二二六〇五號
電話：九二二〇一〇號

印刷者：新高美印製有限公司

三重市長興街九十三號



內政部登記證內版臺業字第一一四七號

商邱縣志卷之十

武功

自文武分途而人材遂小漢之材官可爲丞相晉
之名士多堪領軍唐以後遂鮮焉故列武功自唐
始邑人如曹撲射及朱保國父子雖非韓彭此而
顯有名跡以功名始終亦堯鑒之錚錚者也今閭
左好以子弟習武科而輟畧不甚之究毋乃徇名
而忘實乎賢者宜自反矣

唐

曹華宋州楚丘人治從宣武軍縛亂將李廼送闕下
節度使董晉署為牙將吳少誠叛華戍襄城有功
憲宗初累拜檢校右散騎常侍後討吳元濟以功
封陳留郡王會充海軍亂殺觀察使王遂詔華往
代華至以計悉誅亂者千二百人海沂之人枕戶
自李正己盜齊魯以來俗益汙驚華乃下令曰鄒
魯禮義鄉不可忘本乃身見儒士春秋祀孔子祠
立學官講誦斥家貲佐贍給人乃知教成就諸生
仕諸朝者甚衆鎮定人殺田弘正華亟請以本軍

進討不從進檢校工部尚書就充節度使李齊叛
取宋州華不待命以兵逆擊破之齊平進檢校尚
書右僕射卒贈左僕射華雖出戎伍而動必出禮
愛重士大夫不恃貴以倨人至所至必待以誠信
人以為難

宋

李緯楚丘人泰政昌齡從子起家三班借職杜衍薦
為閤門祇候鎮戎軍瓦亭砦都監積勞累遷至河
北緣邊安撫副使韓琦薦知保州以左驤驎使榮

青台集卷之十一
州刺史知雄州治兵頗嚴不事厨傳數與宦者爭
利害積公使錢貲米三千斛為常平倉奏下其法
于他州遷兩上閤門使留再任卒子師中見名臣
傳

明

朱永字景昌本歸德州兩曲睢鄉人籍夏邑祖真以
靖難功官中郎留守司指揮簽事父謙歷官後軍
都督府左都督佩鎮朔將軍印鎮宣府以禦鹵功
封撫寧伯卒謚武襄永身長偉貌顧盼雄偉景泰

中嗣爵英宗復辟召置左右可以腹心成化初總
十二團營掌右軍府事同尚書白圭討平劉千斤
之亂進侯爵又以遼東功封保國公歷鎮宣府大
同前後凡八佩將軍印累加太傅弘治初進太師
卒追贈宣平王謚武毅子孫世襲迄于明亡

陳亨為人勇敢有膂力累從戰伐有功永樂初授金
吾右衛指揮使歷陞後軍都督府簽事同知復陞
前軍都督府左都督

熊世錦歸德衛指揮同知以捕盜有功遷汝寧府守

備又以擒賊功陞都司累官至後軍都督府左都督歷宣府固原總兵

本朝

高第字漢卿本陝西榆林人故明時以指揮從軍累遷至鎮守山海關總兵興朝定鼎率先投誠仍以總兵官隨征南下定河南江南諸郡縣平賊寨一千七百餘論功以左都督鎮守河南開歸等處駐襄城撫綏士卒地方安堵襄故臨汝河值水汎濫距城尺許第虔禱于神願以身葬魚腹為萬民

四本匹

請命不移時水退三舍邑賴以全民多異焉順治
辛卯又破山東賊李化鯨紀功授二等阿達哈哈
番世襲後以病乞骸加宮保致仕遂家于商邑偃
息林泉者十有八年而卒葬郡城南子孫遂世為
商人

趙應奎自言商丘人族孤年十八被流寇掠入楚起
于戎伍累遷至兩江總督中軍副將後分鎮江西
之袁州破賊兵加都督同知充總兵官又以出首
吳三桂偽劄予世職拜他劄布勒哈番又加施濟

喇哈番耿逆寇袁應愈率諸道兵大破之進二等
可達哈哈番後從大軍進取湖南有功陞提督廣
西左江總兵官卒于軍贈太子少保謚襄莊

周琬字肯衡明尚書士樸係舉人業熙子尚書父子
俱以寇亂殉難琬性豪邁善騎射喜談兵順治壬
辰舉武科進士授廣東鎮標旗鼓守備討老香山
羅定州諸寇擒賊首王興羅境悉平會歲缺補天
津右營守備遷山東萊州左營都司時萊陽于七
倡亂海右震動而其黨李帽子尤熊點犯平度琬

率師拒之敗之于夏計店再殲之于徐里進克蕞
抵賊巢于七邊遁去後琬舊帥侯襲爵鎮廣東素
知琬題請偕行遷潮鎮遊擊甲寅之後滇黔閩粵
連兵倡逆琬在潮平巨寇丘輝敗海賊楊金目取
井洲征達濠俱有戰功以抑于忌者不獲叙遂自
免歸琬平生忠誠事上廉惠馭下而果敢善戰得
人死力有古名將風乃位不稱才實不酬勛君子
惜之

吳友名字輔臣初以材武從戎授歸德中軍守備從

征有功遷江西鎮標遊擊屢敗劇賊進恭將改山東膠州營尋以事謫吉安守備巡撫董衛國奇其才奏補撫標中軍遊擊甲寅吳耿之叛董撫進總督江西軍務復奏友名為督標中軍副將時江右所在被賊友名戰故里橋戰新昌又戰鳳凰山又戰羅浮所至克捷斬馘無算收復名城十數加都督同知旋進右都督從大兵征黔擒斬偽總兵劉宗聖張茲文遂克鎮遠府進左都督逆平叙功子世襲拖沙喇哈番乙丑以疾乞休居于宋之西村

又五年而卒年七十有六友名身經百戰摧鋒陷陣雖多首功而凡入賊境務保全良民未嘗枉殺故以壽考令終孫枝蕃昌人謂其有陰德云子貢字禹來以武舉從軍進討吳逆身先士卒功未叙而卒貢弟灝字素來官廣西西林知縣撫綏瘴鄉多惠政亦以勞瘁歿於任

張岳字嵩如本陝西延川人父宦遊於汴同徙居商丘遂為商丘人岳狀貌英偉臂善射多智畧落拓不治生產年甫踰冠從軍於豫省提督王永譽

麾下永譽器之調鎮安慶岳隨征婺源賊有功遂
授軍官後永譽遷鎮廣大將軍岳爲其標營千總
以年滿應遷又從墾荒例得授副將忽格于部議
鬱鬱不自得遂叩關陳情得召見上奇其貌

試之技勇果超倫等

天顏大悅遂授古北鎮

右營遊擊丙子隨征噶爾旦奮勇當先不避艱險
凱旋還靈州奏將尋改固原又遷陝西督標中軍
副將己卯西寧鎮總兵同特旨遷岳在鎮二
年邊夷讐服軍民懷畏以疾遽卒年祇四十有三

四本七

中朝震悼增卹有加今官其子志浩為侍衛

隱逸

邈世無悶贊易稱之隱逸之品人物中未易當也
李溫陵以五等別其目信夫邑無名山勝水可作
考槃道軸而修名釣奇博捷徑于終南者又君子
所不道也聊著一二以存真品

宋

戚同文字同文宋州楚丘人幼孤事祖母以孝聞從
楊慤授五經胥末喪亂絕意祿仕且思見混一遂

以同文為名氏慙病將死以家事托同文慙卒為
葬其三世數喪將軍趙直高其行為築室聚徒人
不遠千里而至其門人登第者五六十人宗度許
驥之徒皆踐臺閣同文純質尚信義不積財不營
居室曰人生以行義為貴焉用此為好為詩楊徽
之嘗與酬唱既卒門人私謚曰堅素先生二子維
綸維累官尚書職方郎中綸自有傳

趙俊字德進宋城人紹聖四年進士官至朝奉郎隱
居杜門雖鄉里不妄交徐處仁素與俊善及為相

四本八

鄉人多見用俊未嘗往求建炎末士大夫皆避地東南俊獨不往曰但固我所守爾死生命也避將安之劉豫以俊為虞部員外郎辭疾不受以告身畀其家卒卻之凡家書文字不用豫僭號但書甲子而已後卒贈承直郎

本朝

侯性字若孩邑人侯執介之養子執介妻田通政珍女田無子少育性為子及長狀貌魁梧腦後有異骨人目之為封侯相為人豪放博達補博士弟子